

## ◎ 十二部經

(佛學大辭典)

(術語) 一切經分為十二種類之名。據智度論三十三之說：

一、修多羅，此云契經。經典中直說法義之長行文也。契經者，猶言契於理契於機之經典。

二、祇夜，譯作應頌，又作重頌。應於前長行之文重宣其義者，即頌也。凡定字句之文體，謂為頌。

三、伽陀，譯作諷頌，又作孤起頌。不依長行，直作偈頌之句者。如《法句經》是也。

四、尼陀那，此譯因緣。經中說見佛聞法因緣，及佛說法教化因緣之處。如諸經之序品，即因緣經也。

五、伊帝目多，此譯本事。佛說弟子過去世因緣之經文。如《法華經》中《藥王菩薩本事品》是也。

六、闍多伽，此譯本生。佛說自身過去世因緣之經文也。

七、阿浮達摩，新云阿毘達磨，此譯未曾有。記佛現種種神力不思議事之經文也。

八、阿波陀那，此譯譬喻。經中說譬喻之處也。

九、優婆提舍，此譯論義。以法理論義問答之經文也。

十、優陀那，此譯自說。無問者，佛自說之經文。如《阿彌陀經》是也。

十一、毗佛略，此譯方廣。說方正廣大之真理之經文也。

十二、和伽羅，譯授記。於菩薩授成佛之記之經文也。

此十二部中修多羅與祇夜及伽陀三者，為經文上之體裁。餘九部從其經文所載之別事而立名。